

## **Sena - Akazi Bukhu ya Mulungu - Wives Scriptures**

**AEfesu 5:22-24 Imwe akazi, bverani amuna anu ninga pinabvera imwe Mbuya, 23 thangwi mamuna ndi nsolo wa nkazi, ningambo Kirixtu ndi nsolo wa Gereja, iyo ndi manungo ace, lye ene mbakhala Mpulumusi wa manungo enewa. 24 Na tenepo, ninga abale a gereja asabvera Kirixtu, akazimbo mbakhale akubvera amuna awo pa pyonsene.**

**AEfesu 5:31,33 Na thangwi eneyo, mamuna anasiya baba wace na mai wace, mbadza kaphatana na nkazi wace, muwiri mwawo anadza kakhala nyama ibodzi." 33 Na tenepo, m'bodzi na m'bodzi wanu mbafunembo nkazi wace ninga iye ene, poncho nkazi mbalemedze mamuna wace.**

**1 AKorintu 7:3-5 Mamuna asatongwa kucitira nkazi wace pyonsene pinatongwa iye kucita n'kati mwa nyumba. Nkazi asatongwambo acite sawa-sawa kuna mamuna wace. 4 Nkazi nkhabe mphambvu za kutonga manungo ace, mbwenye anaatonga ndi mamuna wace. Sawa-sawambo na mamuna, nkhabe mphambvu za kutonga manungo ace, mbwenye anaatonga ndi nkazi wace. 5 Lekani kukhonderana n'kati mwa nyumba, m'bodzi na m'bodzi. Penepi pisatawirirwa male mungabverana pa n'dzidzi ung'ono toera munyerezere kuphembera. Mungamala, munagumana poncho toera mukhonde kunyengererwa na Sathani, na thangwi ya kusowa kwanu mphambvu za kupirira.**

**1 AKorintu 7:34 Na tenepo, munthu asakhala wakugawika. Nkazi wa nzice, peno mwali, asanyerezera pinthu pya Mbuya, toera akhale wakucena pa manungo na pa nzimu ene. Mbwenye nkazi ana mamuna, asanyerezera pinthu pya dziko ino, kuti anatsandzaisa tani mamuna wace.**

**AKolose 3:18 Imwe akazi, bverani amuna anu ninga pinafunika kuna ale ali muna Mbuya.**

**1 Timoti 2:11-15 Nkazi asatongwa apfundze wakumatama, na kubvera konsene. 12 Ine nkhabe kutawirisa kuti nkazi apfundzise peno atonge mamuna, mbwenye mbakhale wakumatama. 13 Thangwi adacitwa pakutoma ndi Adhamu, mbamalisira Eva. 14 Poncho si Adhamu adanyengererwa tayu, mbwenye ndi nkazi. Pakumala kunyengererwa, agwa n'kudawa. 15 Mbwenye nkazi anadza kapulumuswa pakubala ana, male iye angakakamira pa kukhulupira, pakufunana, na pakuperekka kuna Mulungu.**

**Kutoma - Genesis 3:16 Iye adalonga na nkazi, "Nadzathimizila kubva kwako kupha pakukwata mimba na pakubala ana; podi tenepo mtima wakufuna kupita m'bonde na mamunako unadzakhala nawo basi. Mamunako anadzakutonga."**

**1 Pedhru - 1 Petru 3:1-6 Sawa-sawambo imwe akazi, bverani amuna anu, toera ngakhala iwo adzati kutawira fala, akundike na macitiro adidi a akazi awo mbamukhonda kulonga cinthu, 2 pakulang'ana makhaliro anu adidi pontho akulemedzeka. 3 Kubalika kwanu mbakuleke kukhala kwa kunja, ninga kwakumanga tsisi, pontho na kubvala mphete za oro, peno na nguwo za ntengo ukulu. 4 Mbwenye kubalika kwanu kwakukhonda kumala mbakukhale n'kati mwa ntima, kubalika kunapangisa nzimu wakubverana na wakukhurudzika, penepyo ndipyo pinafunika kakamwe kuna Mulungu. 5 Thangwi akazi akale akulungama, ale akhadikhira Mulungu, akhakhala na nsambo wakubvalirambo tenepo. Iwo, m'bodzi na m'bodzi akhabvera amuna awo, 6 ninga Sara, akhabvera Abharaamu pontho mbakhancemera mbuya. Imwe munakhala ana ace, mungacita udidi pontho mungakhonda kugopa.**

**Titu 2:1-5 Mbwenye iwe Titu, longa ninga munalongera cipfundzo cakulungama. 2 Apfundzise amuna akulu akhale anthu a ndzeru, akulemedzeka, akukhurudzika, akunyindirika, akulungama pa kukhulupira, na pa kufunana na pa kupirira. 3 Ndi pibodzi-bodzi kuna akazi akulu, apfundzise kuti akhale na makhaliro akuphembera Mulungu, mbakhonda kulonga mapseda, pontho akhonde kukundwa na vinyu, mbwenye akhale akazi akupfundzisa udidi, 4 toera apfundzise akazi ang'ono kuti afune amuna awo na ana awo, 5 akhale akukhurudzika, akucena ntima, mbakoya nyumba zawo, akhale adidi pontho akubvera amuna awo, toera fala ya Mulungu ikhonde kuxolwa.**

**1 AKorintu 11:5-7,10 Mbwenye nkazi onsene anaphembera peno mbalonga ciporofeta mbakhonda kugudumira nsolo, asapwaza nsolo wace, thangwi asakhala ninga acingwa mpala. 6 Ngakhala nkazi nkhabe kufinikiza nsolo wace, mbacingwembo tsisi yace. Mbwenye ngakhala pisapasa manyadzo kuna nkazi kucinga tsisi peno kupala tsisi, mbafinikize nsolo wace. 7 Mamuna mbaleke kufinikiza nsolo wace tayu, thangwi iye ndi uunthu na mbiri ya Mulungu. Mbwenye nkazi ndi mbiri ya mamuna. 10 Na thangwi eneyo, pontho na thangwi ya maanju, nkazi asafunika akhale na cidzindikiro ca cilemedzo mu nsolo mwace.**

**Misanje 12:4; 14:1; 19:13; 21:9,19; 25:24; & 27:15,16 - contentious & angry Akazi**

**Misanje 31:10-31 - The Virtuous Akazi**